

sier Dolfon Venier fo conte a Traù, pagando di livello lire 13 di pizoli a l'anno a la camera di Traù. Fu presa. Ave: 141, 7, 2.

133 Fu posto, per i Consieri, Cai di XL e Savii, dar il dazio di anfore vin al Legato pontificio; anfore a l'orator cesareo, et anfore a l'orator anglico, *ut in parte*. 145, 25, 1.

Fu posto, per tutto il Collegio, elezer per scurтин in Collegio uno Rasonato con salario ducati 100 a l'anno: vadi per li officii etc. Ave 172, 2, 1.

Fu posto, per li ditti, sia confirmà per altri anni 5 la provision fo data a tre done scutarine e drivastine a l'ufficio dil sal, *videlicet* dona Maria di Zuanne da Modon, lire 15 di pizoli al mese, Maria da Drivasto lire 12 soldi 8, Maria d'Alesio lire 3 soldi 2. Ave: 144, 6, 2.

In questo zorno intrò, dappoi disnar, 4 galle di mercha' dentro, *videlicet* Baruto, Capitanio sier Michiel Barbarigo non ben carge; et è morto nel viazo il Patron sier Marco Balbi di sier Alvixe. Et do di Alexandria Capitanio sier Zuan Moro, el qual è amalato.

A dì 13, la matina. Fo Santo Antonio di Padoa. Vene in Collegio sier Michiel Barbarigo stato Capitanio a Baruto, et referite. Fo laudato dal Principe, justa il consueto.

Vene l'orator di Austria, et li fo dita la risposta presa eri in Senato. El qual disse

Veneno li do oratori cesareo et anglico, et in conformità li fo dito *ut supra*.

In questa matina, menandosi za' alcuni zorni in le do Quarantie Criminal e Zivil Vechia il caso di tre scrivani retenuti di Proveditori sora i officii, parlò prima 4 zorni sier Donà da Leze fo avogador; et li ha risposo altri 4 zorni domino Francesco Fileti, et ben giustificato le loro oposition fateli, et compite questa matina; et voleno questi Avogadori, quali è nel caso, *etiam* risponder, et parlerà sier Lorenzo Venier dottor.

Da poi disnar, fo Collegio di la Signoria et Savii in materia di frati di Corizuola, intervenendo sier Francesco da Pexaro qu. sier Hironimo et sier Gasparo Malipiero, et li frati di san Zorzi, zoè l'abate e altri col suo avochato. Parlò sier Alvise Badoer per il fisco per esser avochato fischal, et sier Zuan Antonio Venier avochato per li frati; i qual frati par contentano voler zudexi secular; ma si trati materia principal, et dieno dar certa scriptura.

A dì 14. In questa matina, Domenega, partino do galle solil, sier Vicenzo Salamon e sier Lucha da cha' da Pexaro, vano in Candia, sopra le qual va sier

Tomà Mocenigo di sier Lunardo electo Capitanio in Candia, et Zuan da Como va governador in Candia con fanti etc. *Item*, si parti *etiam* 4 arsilli vanno in Candia.

Vene in Collegio sier Zuan Moro, qu. sier Lunardo, venuto Capitanio di le galle di Alexandria, et referite come le galle erano ben carge, batute per porta (*sic*) laudato dal Principe justo il solito.

Da poi disnar, fo Gran Consejo. Vene a Consejo il 133. ducha di Nixia vestito damaschin eremexin con una cadena grossa d'oro al collo. Sentò apresso il Principe, et fo mandato per lui 5 dotori a levarlo; et vene 4 di soi principali, quali sentono dove senta li cavalieri. Fu fato Consier in Cypro sier Piero Venier fo di Pregadi, qu. sier Domenego, e altre voxe, et visto balotar tre voxe li inserite el si parti et andò via.

Fu posto per li Consieri dar licentia a sier Agustin di Garzoni castelan di Ponte Vigo, possi venir in questa terra a curar la egritudine sua, lassando in loco suo uno zenthilomo *ut in parte*: fu presa. Ave 984, 181, 0.

Fo chiamà zercha 24 zenthilmoni, sier Sebastian Contarini el cavalier e tutti li dotori et altri ad andar contra l'orator cesareo vien in questa terra; qual è il prothonotario Carazolo neapolitano, in loco di domino Hironimo Adorno, et è zonto a E li fo preparato la caxa a Santa Justina da cha' Pasqualigo, tolta per mexi 4, per fito ducati 40.

In questo Consejo veneno li do fradelli dil Serenissimo, uterini, sier Michiel e sier Polo Malipiero qu. sier Giacomo, vestiti di pano paonazo, manège dogal, et sentono di sora i cavalieri; et sier Polo preditto fo tolto di Pregadi con titolo di Pregadi; ma fo per danari, et rimase di 8 balote da sier Giacomo Bragalin fo a le Raxon vechie, qu. sier Daniel.

A dì 15, Luni, Fo san Vido. Fu fata la procession solita, et il Doxe vestito di veludo cremexin et bareta di veludo cremexin col fuxo d'oro, con li 6 oratori, Papa, Cesareo, Franza, Austria, Ferara et Mantoua; quel di Anglia non vien per non andar di soto Franza. Portò la spada sier Santo Contarini va capitanio in Alexandria vestito di veludo cremexin; compagno sier Andrea da Molin fo Capitanio a Baruto, con veludo negro. Era *etiam* il cavalier di la Volpe, condutier nostro, et do milanesi forausiti, *videlicet* domino Et poi altri invidati al pranso, *videlicet* 30 XL tutti criminali, li Savii ai ordeni et 20 di fuora via parenti et anici dil Doxe invidati al pranso. Vi fu *etiam* solo Procurator sier Antonio Trun con mantello paonazo.

Da poi disnar, li Savii si reduce, n'altro fo di novo,